

**PEMBERITAHUAN PERTANYAAN BERTULIS DEWAN RAKYAT  
MESYUARAT KEDUA, PENGGAL KEDUA,  
PARLIMEN KEEMPAT BELAS**

---

**PERTANYAAN : BERTULIS**  
**DARIPADA : Y.B. TUAN CHARLES ANTHONY A/L SANTIAGO**  
**[KLANG]**

**SOALAN NO. 124**

**Y.B. TUAN CHARLES ANTHONY A/L SANTIAGO [ KLANG ]** minta **MENTERI KEWANGAN** menyatakan kesudian Kementerian untuk memperluaskan skop mySalam kepada golongan M40 memandangkan kos kesihatan yang tinggi.

**JAWAPAN**

Tuan Yang di-Pertua,

Untuk makluman Yang Berhormat, Skim Perlindungan Kesihatan Nasional mySalam (mySalam) adalah inisiatif Kerajaan Pakatan Harapan yang diperkenalkan pada Belanjawan tahun 2019 bertujuan menyediakan perlindungan kesihatan takaful percuma kepada 3.8 juta individu B40 yang juga penerima Bantuan Sara Hidup (BSH) berumur 18 hingga 55 tahun, serta pasangan mereka. Inisiatif ini menjadi realiti melalui kerjasama dengan syarikat insurans, Great Eastern Holdings yang bersetuju menyumbang caruman dana permulaan sebanyak RM2 bilion ke dalam dana amanah mySalam. Kos caruman takaful untuk 3.8 juta sijil diberikan pada harga RM112 setiap tahun untuk tempoh lima (5) tahun. Sehubungan ini, tiada peruntukan tambahan diperlukan dalam tahun 2019.

Liputan Skim mySalam adalah terhad kepada dana sedia ada. Tumpuan kepada umur 18 hingga 55 tahun adalah untuk memberi fokus kepada beban kewangan sesebuah isi rumah apabila pencari nafkah utama isi rumah (*breadwinner*) dimasukkan ke hospital kerana sakit atau menghadapi penyakit kritikal. Kerajaan mengambil maklum bahawa risiko penyakit kritikal boleh meningkat dengan ketara pada usia yang lebih tua untuk penyakit tertentu seperti Parkinson. Namun bagi 36 penyakit kritikal di bawah Skim mySalam, ianya meliputi penyakit kritikal utama yang dialami rakyat Malaysia yang kebiasaanya menyerang mereka yang berumur 18 hingga 55 tahun, seperti kanser.

Sebagai permulaan, Skim ini akan ditawarkan melalui Great Eastern Takaful Berhad (GETB), pengendali takaful yang didaftarkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia. Bagi memastikan mereka yang dilindungi di bawah mySalam adalah individu yang benar-benar layak, GETB menggunakan data BSH yang diperoleh daripada Lembaga Hasil Dalam Negeri dengan kelulusan Kementerian Kewangan. Data mySalam tersebut adalah tertakluk di bawah Akta Perlindungan Data Peribadi 2010 / Akta Rahsia Rasmi 1972 dan hanya

**NO SOALAN : 124**

digunakan untuk tujuan Skim ini seperti yang diperincikan oleh Kerajaan. Ketika ini, Kerajaan masih lagi mengkaji kesesuaian/ keperluan skim ini untuk diperluaskan, namun ianya adalah tertakluk kepada kemampuan kewangan dana mySalam sedia ada.

Sehingga 8 Julai 2019, statistik skim mySalam adalah seperti berikut:

<b>JUMLAH TUNTUTAN</b>	<b>PENYAKIT KRITIKAL</b>	<b>FAEDAH HOSPITALISASI</b>
Jumlah tuntutan yang diluluskan	48	560
	RM384,000	RM155,950
Jumlah tuntutan masih dalam proses kelulusan	24	229
	RM192,000	RM59,650